

შრომა

სურათებიანი დამატება

დამატების № 24.

ხუთშაბათი, 29 ივნისი, 1906 წ.

გაზეთის № 69

ბიუროკრატიას

პირის-პირ ვლგევართ, ჩვენო მტარვლო,
ჩამოგებდა ნილაბ-საფარა,
ან შენ, ან ჩვენა! უნდა გადასწყდეს,
აქ სხვა გზა-შველა შენთვის არ არი!

ნუ იმუქრები, ტუჩებს ნუ კუმავ,
ვერ შეგვაშინებ შენის ბრაზებით,
ვერც თვალს აგვიხვევ ფარისევლობით,
ორკოფის ენით, ორკოფის აზრით!

არა, გათავდა, გეთვლება დღენი,
გადაჰყე ლამის სიწყვდიადესა,
დაიგუგუნე, ჩვენო სიმღერავ,
ლელო და ბურთი ჩვენია დღესა!

ძმებო, წარსულის მსხვერპლთ კუბოები
შემოგვეტყვიან და გვაძლევენ ხმას,
მაშ არ ვუმტყუნოთ მათთან წმინდა ფიცს,
დიდებულ საქმეს, დიდებულს აღთქმას!

აჰა, ღრუბლებით ცა ივრანება,
მალე იქექებს, მაშ დავეშადლოთ,
განთიადისკენ მამაცი მკლავით
გზა გავიტანოთ, გზა გავიკაფოთ!

დღე, ის ჩვენი მამულის შვილნი
კოხტად, ლამაზად გამოწყობილნი,
გულით სხვაგანა, სიტყვით კი ჩვენთან,
მშიშარა, ხბადლი ხალხის „ძმობილნი“—

იმალებოდნენ დარბაზთა ბეჭში,
ჩვენ არც გვექონია მათი იმედი,
კვესი კაეს დავკრათ და ჩვენის ხელით,
ჩამოვკვესოთ ჩვენივე ბედი!

ნურც იმედი გაქვთ იმათი, ძმებო
„კეთილშობილი—და ძმა ხალხისა?!“
არა და არა, იმათ შეაკრობთ
ტყევის ზუზუნს, ხმა ზარბაზნისა!

ცეცხლისა წვიმა ჩვენზე წამოვა,
გავირუქდებით წამლისა კომლში,
ერთხელ სჯობია გადასწყდეს ტანჯვა,
ვიდრე მარადის ვიხარუნეთ ოფლში!

პირისპირ ვლგევართ, ჩვენო მტარვლო,
ჩამოგებდა ნილაბ-საფარი,
ან ჩვენ, ან თქვენა! უნდა გადასწყდეს,
აქ სხვა გზა-შველა შენთვის არ არი!

ი. კვლამგელი



ტფილისის ქუჩები 22 ივნისი 1906 წელს, 27-ის ჯარის კადის გასამართლების კამო.

ს ი მ ლ რ ა

(ა გლიკებერგისა.)

დე, ითარეშოს ძალმომრეობამ
და წინ აღუდგეს ჩვენს წმინდა ბრძოლას!
დე, თუნდაც გავწყდეთ — სხვები ხომ მოვლენ
და იკისრებენ მებრძოლთა გაძლიერებას...
ჩვენს წმინდა საქმეს, მოვალეობას
მსხვერპლად შევსწირავთ კეთილ დღეობას...

ღრმა ძილში მყოფი კვლავ სდგება ხალხი,
კვლავ წაღმა ბრუნავს მის ბედის ჩარბი;
ვერ ეგუება ძველს ადამს, წესებს
და სადაც არის ცეცხლს დაკვეთებს...
სჩანს, გავსებული ტანჯვის ფიალა
და ბრძოლის ითხოვს ახალი ძალა ..

უსამართლობის ვინც არის მტერი,
ვისაც მონობის ჰბორკავს უღელი,
ვისაც სძაგს აწყობ, ეტრფის მომავალს —
ის განუცხადებს ბრძოლას წარმავალს!..
გრწამდეთ წმინდაა ეს ჩვენი რწმენა
და გამარჯვება შეგვრჩება ჩვენა.

დ. ახაბაძე.

ბ ა ვ შ ვ ი

ოქტავ შიარბოსა


(თარგმანი)

მატრო ასე ლაპარაკობდა:

— „აი, ბატონო პრეზიდენტო... თქვენ მოუსმინეთ ყველა ამათ, ჩემ კეთილ მეზობლებსა და ჩემ საყვარელ მეგობრებს... ესენი ამდენს ვერ ლაპარაკობდნენ მაშინ, როცა მე ბულე-ბლან-ში ვიყავი და ჩვენ შორის ჟინდარში კი არ იყო, არამედ ჩემი თოფის პირი. მაგათ არ ვუყვარდი, რასაკვირველია, მაგრამ ფრთხილად იყვნენ ეს თავიანთი სიძულვილი გამოეცხადებინათ, რადგან იცოდნენ, რომ მატროსთან ხუმრობა არ შეიძლება... ესლა სხვა ამბავია... შეხედეთ, ვინ გამაკვირვა და ძალი უნებურად გამაცინა... მაგიუმ მოღრეცილმა მაგიუმ, რომელიც თქვენთან იმის სათქმელად მოვიდა, რომ მე კაცის მკვლეელი და ქურდი ვარ, აი, რა!.. მაგიუმ, სწორედ მაგ მაგიუმ შარშან გრავუს ბაზრობაზე მოჰქალა და რაჯი დე-ბლანდი... უარს ნუ ამბობ, არამზადაც, მე შენთან ვიყავი... ლეიერმა, კუზინამ ლეიერმა, რომელმაც ამ საათში ამდენი ფარისევლური რამ გითხრათ, ამ ლეიერმა ექვსის თვის წინად პანტოლონში გაჰქურდა ეკლესია... არა, ეგ იმდენს ურცხვობას ვერ გამოიჩენს, რომ უარი სთქვას ამაზე... ჩვენ ეს ერთად ჩავიდინეთ... ხომ მართალს ვამბობ, ლეიერ?...“

თქვენ არ იცით, ბატონო პრეზიდენტო, ვინ მოუგრიხა კისერი მამა ეაკინოს, როცა იგი საღამო ეამს ფეილეს ტყის გზით შინ ბრუნდებოდა?... თქვენ მაშინ მთელი ჯგუფი დაპატიმრეთ სრულიად უდანაშაულო ადამიანთა და შეუდეგით ჩხრეკა-ძიებას... ამის მომქმედი კი გახლდათ სოჩელი, ის სოჩელი, რომელიც ამ წუთში ჩემს თავსა გახოვდათ... მაშა!

სახელმწიფო სათათბიროს წევნი :



ნახარენკო

სათათბიროს დეპუტატი გლეხი.



კოკოშვინი



გრედესკული

დოღორუკოვი
ვიცეპრეზიდენტი.

როდიჩევი

რა? შენ წინააღმდეგობას არ აცხადებ, ამხანაგო? ეს რათა იცით, იმიტომ, რომ არ შეუძლიან: იმ დროს, როცა ეგ ახრჩობდა მოხუცს, მე ჯიბეებს ვუქექავდი, ხე-ხე!.. თქვენ გავკირვებთ ესა? აბა შეხედეთ მაგათ! აი, ეგენი მეტს ვეღარ ამკობენ, ეგ ჩემი ბიჭები, მეტად ვეღარ გულუწვილობენ, თრთიან, ფათრდებიან და ფიქრობენ, რომ მატროს თუ ბრალი დასდეს იმიტომ, რომ თავიდან მოეშორებინათ, ამით თავიანთი თავიც გასცეს და რომ ჩვენ ყველას ერთი და იგივე გილიოტინა წაგვავდებინებს თავებსა...

ბატონო პრეზიდენტო, ყველაფერი, რაც მოგახსენეთ, სრული სიმართლეა... შეგიძლიათ მერწმუნოთ... ჩვენ, ბულე-ბლან-შეღები, ყველა ასეთები ვართ, და ეს ადვილად მისა-



სოციალისტი უ ჟორესი.

საგრანგეთის პარლამენტის დეპუტატი

ხედილიც არის!.. სოფლიდან ორ ლიგზე*) სრულიად არ არის მიწა, ერთი მხრით მხოლოდ უნაყოფო ჯაგნარი, მეორეს მხრით სიბი ქვა და ქვიშა. პაწაწანი, ჩამოფხავებული არყის ხე ზოგან, ან კიდევ პატარა ფიჭვნა, რომელიც ხმება და არ იზრდება. ასე გასინჯეთ, კომბოსტოც-კი არ მოდის ჩვენს ზღაში... ეს მხარე წყეტულია სწორედ... როგორ გნებავთ, რომ ამისთანა ქვეყანაში ცხოვრება შესძლოთ? საქველმოქმედო ბიუროთი, არა? თავი დაანებეთ!.. ასეთი ბიურო არაფერს აძლევს და, თუ აძლევს, აძლევს მხოლოდ მდიდრებს... ამგვარად, რადგან ტყე ძალიან შორს არ არის, ისევ ტყის ქურდობას მიჰპარებენ ხოლმე... ხან და ხან ეს ცოტა რამ შემოსავალს იძლევა, მაგრამ ზოგჯერ მკვდარი სეზონი დადგება და ვაი მაშინ ჩვენი ბრალი, კიდევ რომ არაფრად ჩავადლოთ ტყის მცველები, რომელნიც ჩვენ გვდარაჯობენ, ათასი საჩივარი, დავიდარაბა და ბოლოს საპატიმრო... ღმერთო ჩემო, საპატიმროს კიდევ რა უშავს, იქ საქმელს მაინც გვაკმევინ და შეგვიძლია ახალი მახე დავამზადოთ თავისუფლების მოლოდინში... მე თქვენ გკითხავთ, ბატონო პრეზიდენტო, რას იზამდით, ჩვენს ადგილას რომ იყოთ? სამუშაოზე ვიაროთ? წავიდეთ და ფერმერად დავდგეთ? მერე რომ გაიგებენ, რომ ჩვენ ბულეზლანშიდან ვართ, ეს ხომ ის იქნება, თითქმის ჩვენ ჯოჯოხეთიდან მოვლენილნი ვიყვნეთ... სულ ვაი-უთი გამოგვრეკენ... მერე უნდა ვიქურდოთ. ვიქურდოთ იმისთვის, რომ ცხოვრება გვინდა!.. და როცა ქურდობას გადასწყვეტ, მკვლელობაც უნდა გადასწყვიტო, ერთი უმეოროდ ვერ იშობების... ეს სიმართლეა! თუ მე ყველაფერს გეუბნებით თქვენ, ეს იმიტომ, რომ იცოდეთ, თუ რა არის ბულეზლანში, და რომ უმთავრესი ბრალი ამისა მთავრობას ედება, მთავრობას, რომელსაც არასოდეს ჩვენი დარდი არა ჰქონია და რომელიც ცხოვრების გარედ ისე გაგვტყორცნიდა ხოლმე, როგორც ბაზიან და ქეცინ ძალსა.


ეხლა გადავიდეთ საქმეზე.

ამ ერთის წლის წინად ცოლი შევირთე. ჩემი ცოლი პირველ თვესვე ფეხ მძიმედ შეიქმნა. ვიფიქრე: ბავშვი უნდა ვარჩინოთ, როცა ჩვენი თავიც ვერ გვისაზრობია, ეს ხომ

*) ლიგ ფრანგული ზომაა, თითქმის ჩვენებურ სამ ვერსტს უდრის. ამ ზომას წინად ხმარობდნენ საფრანგეთში.

სისულელეა მეთქი. „უნდა თავი ვიხსნათ როგორმე ამისგან“ მეთქი, ვუთხარი ჩემ ცოლს. სწორედ ჩვენ პირდაპირ იდგა ერთი მაწანწალა ბებრუხუნა, რომელმაც ამგვარი რამეები იცოდა. ამ დედაცას მივეცი ერთი კურდღელი თავის ორის ბაქათი, სამაგიეროდ ბებრმა ჩემს ცოლს რაღაც ბალახი და ფქვილი მოუტანა და ამისგან რაღაც წამალი შეამზადა... მაგრამ ამან ვერაფერი გააჩივა, სრულიად ვერაფერი... ოც-ჯერ მეტად მაინც ვსინჯეთ! არაფერი გამოდნა, მუცელი ვერ მოუშალა ჩემ ცოლს. ბებრმა გვითხრა, ნუ გეშინიანთ, ბავშვი უთუოდ მკვდარიყო, გარწმუნებთ, მკვდარი დაიბადებო. რადგანაც ჯადოქრობაში საკმაოდ სახელგანთქმული იყო ეს ბებრუხანა, დიდ შეწუხებას აღარ მივეც თავი და გული იმით დავიმიღე, რომ „ბავშვი მკვდარი დაიბადებოდა“. მაგრამ ქურდმა ბებრუხუნამ იცრუა და ამას ეხლავე გაიგებთ.

ერთ მთვარიან ღამეში შეველი მოვკალი. მოვიდე ზურგზე და გახარებული წავედი შინისაკენ, რადგან შეველს ყოველ ღამე ვერ მოჰკლავ. დაახლოვებით ღამის სამი საათი იქნებოდა, რომ მივედი... ფანჯრიდან სინათლე მოსჩანდა. გამივიქრდა ესა. დავარაკუნე კარებზე, რომელიც მუდამ შიგნიდან იკეტებოდა ხოლმე, როცა მე საღამო მოვიდიდი, დავარაკუნე კიდევ, კარს არავინ მიღებდა. კიდევ უფრო ღონიერად დავარახუნე. მაშინ მომესმა ჩუმი კვნესა, ყვედრება, შემდეგ ფეხის ტყაპა-ტყუბი მიწის იატაკზე... და რა ვნახე... ჩემი ცოლი ნახევრად შიშველი, მკვდარივით გადაფითებული, სისხლით იყო მოსვრილი! ჯერ მეგონა, მოსაკლავად მიხტომიან მეთქი, მაგრამ ცოლმა მითხრა: ნუ ღრიალებ მაგრე, შე არამზადვე ვერა ხედავ. რომ მშობიარე ვარო? ღვთის რისხვა იყო ესა!.. თუმცა ეს ყოველ დღე მოსალოდნელი იყო. შევე, შეველი კუთხეში მივაკდე და თოფი ლუქსმანზე ჩამოვიკდე



რადიკალი კლემანსო.

საგრანგეთის შინაგან საქმეთა მინისტრი.

— მკვდარი დაიბადა მაინცა? ვკითხე ჩემ ცოლს.
— დიახ, მკვდარი... დაჰხედე!..

და დავინახე ლოგინზე, გასისხლიანებულ ძონძებ შორის, რაღაც შიშველი, რომელიც იკლავებოდა... გადავხედე ჩემ ცოლს, იმანაც გადმოხედა და ხუთის წუთის განმავლობაში ხმა არ ამოუღია.

მაგრამ საჭირო იყო საქმეს შევდგომოდით...

— ყვიროდა ბავშვი შობის დროს? ვკითხე ცოლს.

— არა.

— ხომ არ გავიგონია, რომ ვინმე დადიოდა ჩვენი სახლის ახლო?

— არა.

— სანთელი რატომ გენტო?

— მხოლოდ ირის წუთის ადრე ავანთე, ვიდრე შენ კარებს დააკაკუნებდი.

— ეს კარგია... ამ სიტუქსთან ბავშვს ფეხებში წაველე ხელი და მსწრაფლად, როგორც ამას კურდღლის ბაქიას უშვებდნენ ხოლმე, ძლიერად დავარტყი თავში. მერე ტუმარაში ჩავადე და თოფს წაველე ხელი...

როგორც გნებავთ, გინდ დამიჯერეთ, გინდ არა, ბატონო პრეზიდენტო, მაგრამ აქამომდე არ ვიცი — ვაჟი იყო თუ ქალი ეს ბავშვი...

მიდით „დიდი ქვის“ შადრევანთან... ირგვლივ მხოლოდ წვრილი ჯაგნარია, სხვა არაფერი არ იზრდება სოჭკვათა და ქვიშათა შორის... არც ხე, არც სახლი სადმე ახლოს, არც ამ ადგილის დასამხრობად რაიმე გზა!.. ცოცხალ არსებათაგან ათასში ერთხელ თუ ნახავ ამ ადგილის მახლობლად გამეღელ ცხვარსა და მწყემსს, ისიც, ვიმეორებ, ათასში ერთხელ, როცა ბარად ბალახი აღარ არის. შადრევანთან არის ქვის სამტერევი, ღრმა და უკვე მთელის საუკუნის განმავლობაში მივიწყებული.

ნამენარი ჰეარავს ამ ორმოს ზედა პირს... აი, აქ ვინახავდი ხოლმე ჩემს თოფს, როცა შევითქმობდი ჟანდარმები უნდა გესტუმრებოდნენ. ვინ გაჰხედავს, თავი გადასდოს და ამ მივიარდნის ადგილს მივიდეს, როცა ბევრი იმ აზრის არის, რომ იქ მოჩვენებანი დადიან?

საშიში რა არის... აი, ამ ორმოში ჩავადე ბავშვი, გავიგონე როგორ დაეცა ძირს... ტყაპანი მოადინა.

მკრთალი დღე იღვიძებდა მთესს იქით...

ბულე-ბლანშისკენ რომ ვბრუნდებოდი, გზაზე, ღობეზე რაღაც ნაცრისფერი ნაქვით დავინახე, თითქო ადამიანის ზურ-

გსა ჰგავდა, ან და მგელს. მიუხედავად იმისა, რომ დაჩეუნი ვართ, ბნელაში ყოველთვის ვერ გააჩევეს. ეს ნაქვით ნელო მოძრაობდა, ძირს იხრებოდა, ცოცავდა, შეჩერდებოდა.

— ჰე! — შევსძახე ძლიერის ხმით, — თუ ადამიანი ხარ, გამოჩნდი, თორემ გესვრი...

— ეს შენა ხარ, მატო? მიპასუხა ვილაცამ და უცებ გასწორდა.

— ჰო, ეს მე ვარ, მაგიუ, და კარგად გახსოვდეს, რომ ჩემს თოფში ყოველთვის არის მსხვილი საფანტი იმითთვის, ვინც მგტის-მგტად ცნობის მოყვარეობას იჩენს.

— არა, ცუდი არაფერი იფიქრო, მე მხოლოდ ჩემს მახეებს ვხსნიდი. მაგრამ მითხარი: მატო შეველი ბლავის, როცა ჰკლავენ?

— არა! არიან ისეთი ფლიდებიც, როგორც შენა, საზიზღარო ბრუტიანო, ამ სიტუქსთან ჩავეღე მხრებში ხელი, ერთი ლაზათიანად შევანჯღრიე, მაგრამ არ ვიცი, რატომ თოფი არ დავახალე... ცუდათ მოვიქეცი. მეორე დღეს მაგიუ ჟანდარმთან წავიდა. ახლა, ბატონო პრეზიდენტო, კარგად დამიდგეთ ყური...

სოფელ ბულე-ბლანში ოცდა ათი კერაა, ე. ი. სცხოვრობს ოცდა ათი დედაკაცი და ოცდა ათი მამაკაცი... გამოვიანგარიშნით თუ არა ამ ოცდა ათ ოჯახში რამდენია ცოცხალი ბავშვი?.. სულ სამია... სხვები დამხჩვალნი, გასრესილნი, დამარხულნი, მკვდარნი არიან. დავითვლიათ ესენი?

გასწი-გადმოსწიეთ ქვეები. ქარზე გაანიავეთ ქვის სამტერეთან დაყრილი სილა და ჩამოვხევებულ ნაძვისა და არყის ხეების ძირას მიწაში დამარხულს უფრო მეტსა ნახავთ ახლათ დაბადებულთა ძვლებს, ვიდრე დიდების ძვლებს სადმე დიდის ქალაქის სასაფლაოზე... ჩამოიარეთ ყველა სახლები და ჰკითხეთ ყოველ მამაკაცს. მოხუცსა და ახალგაზრდას, რა უყვეს ბავშვებს, რომელნიც იმათ თავიანთ ცოლებმა გაუჩინეს!.. ჰკითხეთ მაგუს, ლეჟარს, სორელსა და ყველას, სუყველას!.. ასეა ეს! მაგიუ, ხომ ხედავ, რომ მატო შვლები ჰბლავიან, როდესაც ჰკლავენ იმათ..."

განდგობი

საპოლიტიკო და სალიტერატურო ჟოველ დღიური გაზეთი

„შ რ მ მ ე“

სურათებისა და დამატებით ზირველ ივლისიდან წლის დამლევამდე ღირს 4 მანეთად.